

渦陽風土記卷四

渦陽縣知事葉縣黃佩蘭撰

古蹟

方志載古蹟蓋以標映前徽感發人之善志其弊恒侈美而失實矯焉者苟避爭墩之譏山川闐寂又未足以慰懷古之思近世學者方以古代遺迹驗文質之進化渦陽兵燹頻煩舊時建築畧無復存然地形既要衝人文早著廢墟遺壤往往繫世局之合并學術所濫觴不可闕也

扶陽故城在縣北口十里

元和郡縣志扶陽故城在城父縣東北三十里漢書韋賢封邑樂史太平寰宇記扶陽故城在城父縣東北三十里通志引此作三十二里漢為縣屬沛郡宣帝封韋賢

渦陽風土記卷四

古蹟

於此謚自節侯今縣北十里天靜宮西北福壽鎮西去城父寨三十六里蓋即漢扶陽故城也

思善故城在縣西南

郡國志汝南郡思善侯國水經注夏肥水逕城父故城南王莽之思善也

二則俱詳疆域沿革

北平城古山桑邑也在縣東五十六里曹市集北

水經注北肥水

東南流逕山桑邑南俗謂之北平城昔文欽之封山桑侯疑魯邑於此寰宇記北平城在臨潁縣西南二十五里劉志稿謂今名洪栗城即漢沛郡三十六縣之栗城按一統志栗縣故城今夏邑縣治去此遠矣水經注過水逕狼山南山東有垂惠聚世謂之禮城今亦曰洪栗城兩地名傳聞蓋誤魏書地形志渦陽縣有北平城曹操祠城名與酈注合此其故址也

丹城故城在縣北六十一里

魏書地形志臨潁郡有丹城縣又勇山縣有丹城隋書唐開皇元年省丹城入臨潁清統志丹城集在宿州西南仁義鄉即故丹城縣也宿志云王子晉煉丹其地故曰

丹城又名五羊城漢五仙人騎羊入城化為石道光碑
謂漢為五羊縣劉志稿謂為晉縣漢晉志無是縣也
按水經注苞水逕鄆縣南又東逕鄆縣故城南漢景帝
封周應為侯國王莽更之日單城注本音多寒反與丹
音近魏世因以名縣但莽單城在今苞水北永城縣境
今丹城集則魏之丹城縣也通志宿州丹陽集在州西
南仁義鄉即
故丹城縣地

龍山故城在縣東三十五里寰宇記臨渙縣廢龍山城在
縣西四十五里按地形志

蒙郡領縣三有勇山無龍山其勇山下注有丹城及丹
城去龍山為近勇疑龍之謬今龍山集東至臨渙縣四
十五里與寰宇記
合蓋即其故址也

蒙郡故城蒙縣故城南蒙城北蒙城附在縣東南十口里
地形志蒙郡蒙縣注郡治寰宇記蒙
城縣有南蒙城北蒙城並在縣北八十里相去四十步
皆自後魏孝文太和七年為之至東魏武定六年置郡
齊天保七年廢郡為蒙城隋書地理志山桑縣梁置北
新安郡東魏改置蒙郡後齊廢郡置蒙縣後又置郡廢

渦陽風土記卷四 古蹟 二

按今縣東蒙館店東去今蒙城縣八
十里金元為鎮即後魏蒙郡蒙縣也

文州故城藥城故城附在縣西南口十里新唐書亳州城
父縣上武德三

年於魯邱置文州并置藥城縣四年州廢為文城縣七
年省入城父寰宇記城父縣藥城在縣南七十二里
梁陳之際以為縣唐武德三年藥城縣隸文州四年州
廢改為文城縣屬亳州按今張村舖西有廢城址北
去城父若七十里與寰宇記合蓋即唐文城古之魯丘
堡惟文州新唐書明言武德三年置則樂史梁陳之言
未為
密也

舊城在縣東南五十里鳳陽府志舊城在蒙城縣北
三十里相傳為舊蒙城圖經所謂梁

國蒙城也按梁國蒙城在今河南商邱縣北非此地
明中都志云蒙城志以為梁國之蒙誤也又云舊城在
蒙城縣西
南七十里

老城在縣東二里立縣之初經始城垣遭變遷今治舊跡
宛然俗呼老城也

下城父聚今縣治水經注過水又東逕下城父北郡國志

逕其聚東史記秦二世二年陳涉至下城父為其御莊

費所殺方輿記要謂在城父東過之下游故以下別之

安徽通志下城父聚在蒙城縣西北八十里過水逕其北又屈逕

其東與水經注

費亭在縣北六十一里丹城集魏書地形志臨渙郡丹城

縣治費亭元和郡縣志臨

蒙館鎮在縣東南十五里宋元豐九域志蒙城縣有蒙館

安郡東魏改為蒙郡北齊廢置蒙縣後廢為鎮金史蒙

城縣鎮其一為蒙館按唐改山桑為蒙城後遂於故

縣置館驛焉明鳳陽知府張寧碑作蒙關今亦曰蒙關

福甯鎮在縣西北十口里元豐九域志城父縣有福甯鎮

按元張起巖天靜宮碑謂宮

在城父之福甯鎮東南去亳郡四舍清統志謂天靜宮

在亳州福甯鎮

伯俞村在縣城西北四十二里義門集西孝子韓伯俞故

里亳州志伯俞村在州東南七十里明亳州知州張翥

為立泣杖祠按伯俞梁人梁地多引以為重也明

嘉靖河南通志開

封亦有伯俞村

義門鄉在縣西北四十里宋旌孝義王子尚故里亳州志

義門集

即唐真源縣按真源縣治今河南鹿邑不得越譙城

父兩縣治是惟史載天寶十年楊萬里以譙郡降安祿

山逼真源令張巡為長史使西迎賊巡與城父令姚閻

誓師勒王是時真源遂陷賊而此集去城父近或巡與

後合李賁嘗僑治此若晉浚儀

治城父明歸德通判駐義門墩

泣杖祠在縣西北四十二里祀孝子韓伯俞曹子建詩伯

俞年七十餘

衣以慰親俞或一

明都察院右僉都御史蔣應奎有重

作瑜字偶誤也

修孝子韓伯俞祠記

伯俞村去亳州城東七十里伯俞故

南面渦水北枕平原西環周道東接義門弘治六年府

守章公創也繼修於撫院高公迄今蓋有日矣垣宇傾

頽不避風雨嘉靖戊午歲州守張公篤意更新捐資自

公好義者輸誠子集不再月而告成前殿兩楹祀伯俞

像後殿兩楹祀孝子森嚴有光構始唯神焉憑而人賴之

畝以供祀事廟貌森嚴有光構始唯神焉憑而人賴之

茲可以表風教矣夫梵宇琳宮金身寶藏雜逾章紀豈

特崇僻導淫已哉蓋二氏之說堅白報應民心陷溺燭

以禍福是以前者分于歧也日用有常味投苦劑者需于

遠道適便徑者分于歧也日用有常味投苦劑者需于

取法貴上錫類有極參號大賢孝止日可夷及伯俞事

載紀籍僅獲乎中以事觀法豈絕德限民哉張公因伯

俞以示感投劑養貞之意也毫民因伯俞以從化緣徑

遠邁之機也上以是感下以是化福錫優游莫匪爾極

其有本然歟予聞賢愚不易心而感古今不殊民而化

伯俞遺風尚在鄉人常切見聞即其易知易從充之可

久可大白一人化之而一郡相感以化於孝一郡化之

渦陽風土記卷四

古蹟

四

而天下後世相感以化于孝倡之者莫執其機率之者
莫禦其勢其信前其傳後邇可遠在茲夫豈二氏之教
可同日語哉傳曰樹之風聲立之表儀噫此可以表而
風矣昔滿子業太學子尹應天以文事相今越
數百里謁子請記義毋容已也謹為記之

魏武帝祠在縣東五十里曹市集

魏書地形志渦陽縣有

人譙郡多為立祠若漢原廟故穆修為操亭廟記謂水

旱疾疫邀帝之福此祠亦其一也曹市之名蓋由此起

昔操嘗欲於譙東五十里築精舍讀書使功成身退以

踐斯言雖祠祀到今可也冒子帝制藉口西伯血食幾

時元魏已斥名之今無復祠址矣

元伯顏祠在縣北十口里廢福甯鎮祀元城父縣達魯花

赤伯顏今廢元福甯鎮城父縣達魯花赤伯顏死事碑記

達魯花赤時河南饑荒之後民物凋敝寇盜竊發侯范

政公勤以弭盜為先務書選弓兵與邑中色日子弟習

射夜嚴傲柝令民各為預防設方畧以為擒捕計故盜
賊聞風不敢犯境二十年之間境內稍甯然賊黨恒有
伺害之意已丑春二月二十有一日縣治義門鄉塢下
村有賊二十徒騎馬執弓矢白晝殺人而奪之貨時侯
小疾塢下張寬盧榮踵門告急侯聞之奮起怒聲曰賊
敢犯吾境乎遂率弓兵及家人馳馬出門東揚言警眾
日當同心戮力殺賊以洩民恨為民而死男子志也毋
退縮以避患眾皆鼓勇直走塢下至自龍廟間賊黨去
掠福甯鎮侯轉馬南追日晡至福甯鎮之水西村與賊
七人對敵相射凡三往來侯四發射傷四賊賊懼退
侯追之賊高聲曰官人休趕侯怒罵曰殺人劫財天所
不容更望免乎策馬追至福甯鎮北射敵數陣不意伏
卒十餘騎突出杏林前後衝殺弓兵李垚趙洋兒暨家
人俱被箭傷眾遂潰潰侯矢盡馬瘠退奔福甯鎮鎮民皆
已閉戶被賊所害棄首於
宿州境妻子收殮於城父

范蠡塚在縣東南四十五里西陽集西蒙城志范蠡塚在

環繞墓浮其中高若土山行道者皆瞻望憑弔焉按
史記范蠡三徙成名於天下卒老死于陶不言葬地

渦陽風土記卷四 古蹟 五

華盛弘之均謂陶采公冢在華容縣西張守節已疑朱
公登仙未聞葬此所由括地志謂冢在齊州平陽縣陶
山之陽又云曹州濟陽縣東南三里有陶朱公冢近代
統志定陶肥城滕縣皆有蠡冢金鑄生前尋猶無跡術
成仙去乃爭說遺亦非楚宛狂生所及計矣蠡此冢清
時曾奉旨防護致列仙傳云蠡徐人元和志宿州北有
定陶山蒙又號為莊生故里越世家朱公有所善莊生
之言宿蒙間為神仙所自出蠡仙而富尤所豔稱因以
莊周夢蝶之鄉為少伯藏魄之地歟今冢在西陽集西
八里土邱再成古柏挹翠黃流襄陵曾無崩壞有乾隆
時知蒙城縣關中淡若水題碑道左曰范蠡冢舊有范
子祠葛鴻奕記幼披山桑人物圖考見有所謂范蠡冢
者土人謂冢為壩堆故亦曰范蠡壩堆又號為蛾眉山
祠有女郎神其鄉人方議釐正之安徽通志越大夫范
蠡墓在渦陽縣

元贈朝散大夫張德墓在縣東北十里史家圩東國史

院編修陳旅撰神道碑公諱德字惠卿其先滄州清池人
曾太父所生寓寓生祐金貞祐

間南北受敵寓從保靜軍節度使至宿為軍府吏宋師
與保靜軍戰死之祐求父尸亂兵間歸葬宿之北
奉母宋氏踰淮避兵我國家既剪金兵及淮向北人與
祐同踰淮者謀保柵以自固而祐雅為眾推舉與眾言
曰吾等寡弱馮孤柵以抗大軍其勢易破破則無類
觀時事可以知天道矣徒死無益也乃率眾詣軍門降
大將幢忽兒郡王嘉其欵欲承制官之使統降民且吾
且謝曰所以降者非為求官來不過與眾求生耳且吾
父死於兵猶寄淺土未敢以身許人郡王愈賢之降民
皆賴以安而祐終無久留淮南之心以干戈未敢往來
曹宋間二十餘年而母亡矣至元丙子天下既定乃卜
地宿西百里臨渙縣仁義鄉道任里泡河之汭政葬其
父而以母附焉又樂其邑風土之美因買田宅以居年
七十九終媿穆氏二子公其長也公質直而閭通勤生
而急義著亂從父母轉徙北兵薄淮眾倉皇爭舟南渡
遺公岸側適族人見之亟援入舟幾不脫於兵公錄蚤
嘗艱危以及長壯世故之接於心思者熟矣故於其父
蔚旅患難以至窶窶田園室廬之事能用其智力以裨
佐之平生不嗜榮進獨喜治穡事故貴產益饒然好施
於里之窮乏困瘁者皆仰其惠因字之為惠卿又好以

渦陽風土記卷四

古蹟

六

善道告人見有不力田者則諄諄然戒之曰勿事浮靡
為農以具衣食安之道也里子弟皆感其言而從之或
深責有過者亦愧服無恚容蓋公之所為學于人者有素
矣妻盛氏能以婦道相其夫子榮壻也公每教其子曰
思恭思義思敬女二人高亮王榮壻也公每教其子曰
吾家三世習法令為吏而嗣止一人汝曹當讀儒書不
願復為向時吏也于是諸子皆業儒而旁通諸家之書
思義用薦者仕蒙古翰林院轉應奉翰林文字丞務郎
朝廷推恩封公歸德府判官飛騎尉盛氏封恭人公以
延祐三年三月二日卒於家年八十二明年恭人追
卒年八十一遂合葬於道任里之兆思義後知沂州追
贈公奉訓大夫歸德府同知騎都尉夏邑縣子恭人夏
邑縣君思敬由司徒掾以至為中書掾兵部工部兩主
事積階四品復贈公朝列大夫曹州尹輕車都尉清河
郡伯縣君清河郡君思元後公十五年卒子二緒國子
生繼縣君清郡君思早世一子訥蕭山主簿思忠亦早
世三子誠讓壽官奉訓大夫子訥蕭山主簿思忠亦早
騎都尉夏邑縣子思恭四子謹權亨睿思義由滑州同知
知汾州卒三子惟中惟四子思成思齊思溫思恕思問孫
國子生公之弟輔有子曰思成思齊思溫思恕思問孫

十三人嗚呼張氏自滄州來微於一縷之僅續而幾絕也乃能蔓延以至於碩茂者所履之厄雖劇所積之善亦已厚也夫為軍吏而死國事冒白刃求父尸將母它境而竟卜臨渙之葬活數千百人於必死而不利其功是皆善之大者人有一焉天猶報之况其大者之又多乎公承世積之委宜坐享其報顧益飭厲勤苦以成父志以庇賴其後人又推有餘以救鄉鄰且教勉之使皆敦本善俗也公之為德蓋以其積之委者愈保聚而充衍之張氏之用是以為盛也庸有既乎公之心其遠矣哉思恭以郡伯肇封世之近於者皆不可不表諸墓道以章示於無窮俾緒來徵銘緒與貞皆嘗從余於成均者不得辭也乃為之銘銘曰

馬懿摹泐

渦陽風土記卷四

古蹟

七

中書工部主事張思敬墓在史家圩西張緒撰誌銘

至元丁丑二月有九日中書工部主事張公以疾卒於位享年五十有七殯於正寢越五日兄子緒暨男貞奉鄉道在里考瑩之側考諱德字惠卿贈朝列大夫曹州尹騎都尉清河郡伯妣盛氏贈清河郡君公諱思敬字彥式始至京師以交學辟司徒掾轉而掾會福又轉而掾典瑞時天歷內難平跟隨丞相奉璽至和林平章某觀其能欲聞於上知判典瑞事公曰某之來為國家計非為增優其爵辭不受還至京師辟中書掾至順二年除中書兵部主事階奉直大夫是歲冬上京和桑儲粟官不為費民不被苦由是公之聲名日聞於朝未幾尋遷工部階朝列大夫歷四十年餘月選清役簡上下賓服吏稱其能公凡歷兩部績用宏揚于王庭其歿也執紼斯人也而有斯疾也公嘗語人曰吾幼佩義方之訓長習儒吏來于京師豈為利耳惟爵祿是求欲榮吾親其志確乎而不可拔卒遂其平生之心嗚呼惟公志正于中兒嚴于外簡以臨下寬以御衆鄉人象其威儀其則

朝廷縉紳先生莫不與之友其所淑諸身者概如此聖
杜氏封清河郡君贈宿州尹杜從善之中女子一人曰
貞國子生克承于家女三人長曰羊適李次福適教授
秦彬之長子幼瓊適劉孫一人曰脫脫孫女一人曰
俱不鬻齒貞拜且請曰伯兄無忘我考之德願為我誌
緒不取辭謹再拜泣血撫實行以紀銘曰惟我顯考妙
德邁倫克忠于君克孝于親以儉治家以敬持身忠孝
儉敬克訓於人有經教子有謀詒孫天不假壽默奪其
齡壙於泡水柩於神京泡水洋洋張氏彌馨勒此哀詞
以寫我衷藏之奧冥與世無窮

清河郡君杜夫人墓在史家圩忠孝書院山長馬元忠撰

誌銘夫人姓杜氏宣封清河郡君朝列大夫中書工部主
事張公正室贈宿州知州杜從善中女也生純懿

莊靜備婦人德在父母及朝列家族黨俱愛敬之士大
夫稱禮法必朝列家其德範可想矣至元癸未十一月
十一月十一日生至正十年十一月又十一日以疾終正
年六十八子一授進義副尉靈寶縣簿博學剛毅有古
君子風女三孫男女四是月二十一日葬於仁義鄉道
在里之原附朝列公禮也嗚呼淑茂端惠君子借老而

渦陽風土記卷四 古蹟

八

卒有僭爽者孰謂天可必耶敢刻銘先後來銘曰帝衷
淵懿惠且良玉靈食墨泡水陽千萬世下惟德芳

寶塚在縣城北四十里寶塚集北亦名石塚舊傳為晉孫

登墓元時建塔其前今圯元重修寶塚塔記夫寶塚者按

也曩昔墓靈敬之則吉犯之則凶居人常有作筵會集
賓客者以精誠致禱於墓求假所需物色墓曾出白玉
杯盤器皿與之得之負心不還遂罹殃禍後人雖屢有
祈請不復出焉塚故以此為名迄今村號稱呼此之謂
也塚之東南有浮圖一座考其古蹟有石香爐上標云
宋熙寧八年孫用母目病不睹光明兼妻張氏虔心
祈告天地若母目重明當於此處建塔以報洪恩其母
夜夢神人以金鑲決開眼中之翳膜達旦恍然視物如
初用於是盡罄建置是塔無何力作弗給欲於中道而
止是時有本村豪民陳豈憫孫用孝心感天動地相於
輔助俾其事周圓塔既成巍巍屹立焉

天靜宮在縣北十二里雉水之北俗名申太清宮漢延熹

中建宋天禧二年敕修盛度撰記今元至順三年重修

之張起巖記元張起巖天靜宮興造碑自漢氏尚黃老

稱與加一時君有好之者其教日盛一日唐推老君

為祖加號聖祖大道玄元皇帝宋亦以其祖列於上真

又上册寶于太清宮加太上老君混元上德皇帝之號

由是宮觀徧乎寓縣簪裳錯乎民編而其教益盛近世

全真氏出恢以大業是者又自出之地締構崇飾固宜

六七蓋咸本乎老氏則夫所自出之地締構崇飾固宜

矣余自翰林丁丙艱家居濟南天靜宮道士牛志春涉

河而來致提點劉道廣之辭曰天靜宮老君所生之地

也我師徒經營三紀視宅所為雄麗惟是文諸石以紀

其成者尙闕敢請志之志春余華不注里人跋涉千里

者再嘉其勤不容辭謹按宮在城父之福甯鎮東南去

毫郡四舍南距渦水二里下臨雉水世傳老子在妊有

星奕流於國既而降誕則天靜之基舊矣然其經始他

無所於攷獨宋天禧二年盛度所撰碑文漫滅不可讀

而銘半存三班借職王宗彥同監修宮毫之守臣監修

者名銜在焉蓋奉勅為之也荐燬于兵蕩無遺者皇元

渦陽風土記卷四

古蹟

九

奄有區夏太祖聖武皇帝以仁民立心于時丘長春之

說與神武不殺有默契者而道教益以盛積以歲月昔

之摧毀者寢復其舊故天靜之興造日新月盛是殆有

數存乎其間也殿即舊址為二一位三清一位太上老

君前三其門後又其室監壇二師靈官有堂齋誦有所

鐘有樓并有亭道士有區舍至於庖庫庾廡靡不畢具

旅楹無慮百餘又若流星圍之聖母殿玉龜山太霄宮

之別館尚不計也規其近地為旅邸果園蔬圃以給日

用履田三千畝為永業而食其中者幾千指嗚呼主張

維持是者亦云勤矣嘗觀道德篇有貴大患若身道德

無名不敢為天下先之言又有不矜不伐不爭不自是

不自見之言莊周祖老氏者其言曰虛靜恬淡寂寞

無為者萬物之本也夫以爰清爰淨退讓無我而身與

名宜若外物矣尙為是爭先矜衒也哉然而為其徒者

必大其宮室尊其稱謂土木之工金碧之飾不少遜於

浮屠氏似與老莊立言之旨相左而此以為不如是不

足以尊其教也今夫臣焉而怠其事子焉而隳其職視

官守世業如傳舍者多矣况乎以諸方雲水之偶合能

一意乎報本反始而迄潰于成是則可尚也已銘曰大

道渾淪孰知其然粵惟老氏妙探其源何以驗之有言

尚可緇儒學儒學者乃可緇老子也此亦斥鷃之窺
而馮夷之測海耳相沿至今年久廢壞
然以未建而遷故弗及也里之善眾非不履與善念欲
覆瓦荆棘丈六紫金身亦然改色今上御極之六年
里人有國學袁昌胤慨然興懷會眾施財更換梁柱重
修殿宇而且新建詹阿以崇禎六年癸酉事竣于次
齊心竭力共圖厥事工起于崇禎六年癸酉事竣于次
年甲戌二月遂獲厥成沃野平阜西連譙國雕楹二
畫拱磊烟水相扶方井圓淵參差紫氣交映尊榮肅穆
於王者萬壽無疆冥宮虛靜聲奏黎獻諸禧駢臻敬刊金石
用垂久遠是為記夏人佳記道祖老君初不知為何
許氏也因誕無憂圍李樹下遂以為姓焉稽諸書史君
之降也約子妙迄於姬籙上下千餘年而猶為其柱
下史著有道德五千言及良賈深藏若虛盛德容貌若
愚等語與五經六典並行於世且仙宮道觀遺蹟仙踪

渦陽風土記卷四 古蹟

依然者在者如譙左義門鎮東北三十里小河之北岸天
靜宮舊有老子殿碣文不復可攷父老不復記憶因不
知其起于何時祀于何代矣而要其所以服教畏神崇
奉而頂禮之者則以其法施後世而有功於民也他
其論即其深藏若虛容貌若愚之語君子宗之以進德
而何德不進小人宗之以厚先生而何生不厚推之以
于唐虞之猶病有周之如傷先師之未能易之乾乾惕
若禮之嚴若思母不敬者皆比物此志也固知自古及
今高卑之所以所以定陰陽之所所以無愆朝野之
忒性命之所以各正無往而非其德之所及即無往而
非其功之所及也欲不服教畏神崇奉而頂禮之其將
能乎今自清明更代兵火焚劫幸而存者廟貌未燬
胎基無壞至其有色黝然有相瞑然則固服教畏神之
所不忍而崇奉頂禮者之所不安也廼有民吳姓諱
士登者駿發虔誠糾集善信貴金招匠而重光之庶幾
愈以彰聖德之所形容而起遐邇之仰瞻矣乎茲以功
成告竣謁余請記以垂不朽余故肅管記之以表老氏
之法後世有功于民宜世世禋祀于勿替云時康熙八
年

天心宮在縣東里明宿州仁義鄉五圖有天啟二年碑俗名

東太清宮清宣統元年縣人新疆巡撫袁大化重修之大化

記曰昔姜嫄出祀赤鳥湖履武之祥有娥方將元鳥純

生商之瑞凡聖神之誕降首誌徽音知川嶽之効靈獨

鍾間氣考古者因而作頌覽勝者藉以探奇豈有靈宇

漂搖莫覩闕宮之枚實景山崩空瞻寢廟之松丸乎

吾渦邑東三十五里古名流星園為老子降生古里聖

母感星精而震動仙翁應天運以輪迴玉李蟠根八十

載胎元母腹金丹換骨五千言道無名師心森羅聯五聖

之鑣宗教化三清之炁周藏柱下無名則聖歎猶龍唐

祖元都具禮則官列雁雕梁繡戶常扶日月之光紫

氣金莖永壯山河之色豈徒焜煌於里乘實乃紀盛於

來茲也予於戊申八月與桐城張簡臣同邑劉吉甫王

下度諸茂才偶經其地訪遺跡湖發祥徑設荆榛墉穿

雀窺龍蛇滿屋等禹廟於空山蝙蝠飛庭慨周京之離

黍青牛莫返誰識關門黃鶴成灰僅存華表望故宮而

憑弔悵往迹之就湮爰約同人募資修葺舊有正殿三

楹供老子騎青牛像畧加繪飾神彩奕然其西為三官

殿前為祖師殿烟塵黯淡洗堊重新山門柱礎猶存壁

峯屹立架樑覆瓦仍塑三清兩廂添屋八間為任持修

養自山門東西接砌外垣四周各十八丈東為流星圍

建室三楹備遊觀憩息之所西為老子故里西北建聖

母菴誌聖瑞也大工經始眾善同歸分百道之廉泉比

碧桃栽向劉郎去後喜規模之猶具正版築之齊登不

日斯成攻比靈臺之亟他年流覽備知檀越之名用勒

數言記茲盛舉襄陽載酒有慚羊祐之題碑祇園布金

永作龍山之佳話矣通志云老子非今亳州人江南

通志已詳辨之

泰山行宮有二其一在縣城內明建李孔昌記雒河蒙口

生聚之繁貿易之眾家倉廩而戶弦誦民多堯夫鄉口

風其貞烈與梁之高行夏侯文寧之女亦不減此固乾

坤間氣所鍾寔斯民竅未鑿也渾噩景象庶其近之迨

我武宗毅皇御極後俗侈於靡民漸于邪憑強陽而嘯

聚菴苻者不無逞奸雄而魚肉市里口不無似於作惡

一路置赫赫之威靈勿問也居民董芥抱杞憂也謀於

衆曰民俗薄惡或無明神畏懼以至是乃天口山愚公志奮義捐地糾衆施資築基列木範土鑠金創建太山行宮於集東街時隆慶二年也正殿三楹山門三楹著以聖像募道士旦暮掃飾歲時致敬修儀禮無缺兩廡設以司曹獄府赫然壯觀覽至厥所拜奠口靡嚴如在凜凜敬畏甚盛事也口惟太山之神義於何時博物志云神爲天地孫王召人魂故知人年壽修短宋儒有曰其位在東其德爲仁故被其仁而獻祈祝輸報悃者毋論尊卑遠邇咸得納俎豆殷殷爲口乎口口神力隱射無處不顯口百餘年來翊我皇明奠如盤固近雖奴口口而示於天白氣若虹長星若掃示於地則震崩於壙殷紅於溝示於物則龍門於二東泉渡於三吳種種譴告似屬各徵口口歐卒無一缺也誰口口神之所以呵護而四維之也哉造太山救司香火歲時遣官祭祀禮莫尊焉至於閻羅口口先其所指吏治行胸臆作威福於其間者雖誼不經見神不關象也冤獄六月飛霜燐血而三年亢旱必從古忠臣之極不假壇口對越而葵赤無不傾吐口口而口口口如緣家作福觀照瞻之鑒一臨海在生之冤障口口口口南觀慶現世之休

渦陽風土記卷四

古蹟

三

嘉邪心資以震壓而善口之發此其所較著者也噫嘻董公斯舉意蓋猗歟休哉計欲人人人心神不愧明神旨有以口口口與口口口口口口口口口口口口口口口口功之易墮於天啟元年糾衆檀越得理一新落成之天啟四年冬徼功垂不拔懇叙其巔末勒口口口而鑑其姓啟四年口天一在石弓山王存廉記閻羅之說蓋出於佛乃廟而祀之蓋假鬼神之情狀懲末俗之冥頑是亦爲教之一端也而說者曰妄矣夫閻羅誠無解於妄然則官府之刑法非妄也而藐而玩之者且身試而弗忌矣父兄之約束非妄也而慢而侮之者且面謾而弗恤矣甚有讀聖賢之書口講手畫牘記筆錄若有會心及見之施爲往往背畔乖離或至賈犯倫常蔑裂紀綱而恬不爲怪而茲以無情之土木虛構形似能使見者談者日駭心驚不寒而慄是亦足以爲教矣苟爲教奚其廢石弓山巔廟曰太山其兩廡則閻羅也任持狼狽久乏繕修赤白漫漶土崩瓦解上雨旁風無所蓋障居人憫之乃醮商民錢若干緡鳩工庀材分財用平版幹成口築棟宇檐阿煥然一新而神像當剝蝕之餘廢幹殘形

委頓傾歆弗可完善乃舍舊圖新大施更張黃土埽垣
媯皇權輿聖運邳人之斤型假惠之手鏤文錯采貼
碧塗金盡相窮形森然羅列工人畢其事而竣諸君子
請記於余余曰夫末世之偽而懲創之難也法以禁之
徒傷治絲之勢書以喻之爭及錐刀之末則移妄誕之
俗必使之有不可知者乃足以相勝也是故聖王以神
道設教况記號搜神干寶善談鬼怪之事形傳土伯屈
子亦載幽都之文蒙珠離國遮頌夷國猗尼渠餘國聞
天王之語劉約死於鐘虛斃於金酒困厄於枯木見府
公之錄賈充其他怪異不經之事見之史册若此類不
可勝紀則姑無論其妄與不妄但使譎張爲幻之輩肆
行無忌之人觸於目而驚於心則重修之爲功所裨亦
非淺鮮矣余非好妄者觀者誠
知其說當以余言爲不妄也

玄帝廟在縣西北四十里義門集北今廢有明亳州同知

李先芳撰記

李先芳重修玄帝廟記據舊志義門集即
唐之真源縣以近老子天靜宮故也渦川
透迤龍山北拱生齒繁衍貨殖興焉誠一巨鎮也正德
庚辰居民劉金寶施地畝餘修建玄帝廟在持僧定

渦陽風土記卷四

古蹟

古蹟

然謂其湫隘後贖口爵地稍稍濶口至嘉靖口寅然又
募緣徽商朱珊等創造千佛閣於殿後規制巍然足觀
矣往往縉紳來游其間歲甲子予以符臺鄉貳出倅毫
州偶以公事過其地觀門殿相錯且近市井贈以二十
金開展神道環壁四起廟貌更新樹之碑題宣廟所贊
玄帝百字神號落成然及者民曹華等請予銘銘曰有
司祭境內山川况北極玄帝神壇敬締造廟宇壯觀
億萬年香火具瞻永保我黎民安嘉靖四十四年

千佛閣在玄帝廟北今廢有明督捕通判王昌祚撰碑

祚義門集千佛閣碑聖天子惠口府口無非欲其彌盜
安民口也予來官歸德倅口義門集集爲毫首鎮當直
省衝衢軍民雜擾素稱難治始抵任徇舊規謁千佛閣
見其規模閎濶棟宇壯麗詢諸父老僉曰是廟歲時伏
臘水旱疾疫遠近士人膺至殿下笙酒尊爵豐腆靜嘉
有求必獲不啻影響而瞻拜祈禱歲無休息前內丘僧
靜然募緣建閣於殿後口日千佛閣歷年既久風雨摧
敝任持僧明講乃然之徒孫也募緣重修是以金碧丹
青煥然一新几筵俎豆敷列有容大夫君子登閣口政
遠近竦聞予方信市鎮之民猶三代之民前之所謂難

治者非也予幼時恒聞薛西原夫子才兼天人學窮三
教會予於公署遂投轄登閣上議論方得西原夫子
三教之旨歸一題其圖曰斯道有三教聖曰二天陰
陽動靜機活潑一團圓借問一歸何處此理玄之又玄
於戲深歎夫子得其妙矣而非徒執一之說也竊嘗論
之存心養性吾儒之教也明心見性佛氏之教也安心
定性老氏之教也立言雖有不同原其旨趣歸於誠心
而已心誠天下無餘事矣然則千佛閣之建豈亦取諸
此意乎况玄帝曰天下無口口口口口口口口口口口口
而後建千佛閣者亦是鎮民義舉且神依形而立有是
形則有是神而求神必於是形口口口口口口口口口口
是民口口口口口口口口口口口口口口口口口口口口口
而是閣之建亦何害於義乎若曰惑於佛老自度度人
則吾豈敢光祿席謝曰微先生之言衢口口口口口口口
勒石為記時有捐地義民李口口口口口口口口口口口
地口口頃丁口口口口口口口口口口口口口口口口口口
於此亦可以宏嘉猷於遠大壯觀瞻於一方使口口然師
孫不沒其倡率之初心口口口口口口口口口口口口口
之安宅矣是為序 萬曆十五年歲次辛亥口口口口口口

渦陽風土記卷四

古蹟

五

三皇廟在縣東南

里蒙館鎮

明鳳陽知府張口口口口創

其屬邑蒙城乃莊生之道遙里也西望感星吞氣之鄉
僅可踰足於八十里中古蒙關鎮世代沿革不口口口
明興復成榛莽慶曆間民居相望若晨星其後市廛漸
繁而聖宇神宮未一草創於時處士楊諱得才口口金山
氏之教得弟子董朝陽口口口口口口口口口口口口口口
甲申歲口口口創三皇殿於萬曆己丑歲矣二師仍有遠
志竟以羽化未果楊之徒孫陳諱德新德元者謀諸鄉
官戴諱銘兼募其貲更徧募里間獲鏹百餘於三十
六口口口三清大殿於二殿之東南隅噫陳子所為可謂
契宗門之旨矣金山氏無明也而亦無無明能觀一切
天人觀一切法界觀一切功德過惡內音徑有太上觀
生死之路之語而觀之義可識矣觀轉呼為觀其以觀
名者即今之宅靈樓聖崇奉上清之宇也諸天有元精
口結五氣所成者若紫館若叢霄若玉虛諸觀不可殫
述而人間因之此玄曜始與玄明等號所由起也靈域
迥開玄風遠播每口口口口口口口口口口口口口口口口
花落晨鐘香騰暮鼓使有目者觀之可以自醒馨穢耳
噫陳子真契宗口口之吉矣殿成而氣象嶮峭輝煌欵赫

層櫺藻案鏤楠口口口口瓊宮也哉殿內表踰百
武備列羣真法像元始靈寶道德以下副以口口配以
斗曜或鎔金碧或繪土木道觀尊嚴眉目如生不燭然
觀我羣生福罪哉且積燬為垣砌石為甬構木為門苔
蹊口口口樹口口人間而天上者也環三殿於一宮明
示以三皇為生人之主玉帝乃司化之君三清乃道教
之祖與此皆二師未逮之志而陳子成之者也時予自
任還過其宇口口觀其盛因捐囊金易耕牛六頭遺之耕
以資未竟之口口又數年戊口口口借前陸師口口口
刑夫以其夙為屬椽故因走抵予里叩而請曰予二師
土木之口蓋已勒在貞砥屹然垂不朽而德新等猶沒
沒然口煩大人言以誌其口當亦死且不朽予矜其志
者亦吾儒所不棄也遂次其功在人心為塵世累善積福
積揚輔李鉞董松郭孟口口李樓王樓楊邦立陳瀛吳
弼皆當備書者并付之二子之手臨歧且屬之曰子有
意成而兄而師之志可即勒石
而口之是為記萬曆四十六年

壽聖寺在縣東南

里蒙館鎮

淮南野史張曉記蒙城縣去城西北八十里有

渦陽風土記卷四

古蹟

六

奇水曰雉河河曲之鎮曰蒙館蓋古聚落之所也民物
阜蕃俗多向佛鎮後有寺曰壽聖寺創自大唐開元間
今餘八百年矣時有汚隆而興圯隨之雖中更變革而
寺卒無恙豈亦以壽聖為名而祝之義不可廢也景泰
間時方豐豫法構莊嚴足稱福境歷時久遠不無摧剝
邑人楊氏董氏岳氏歲時瞻禮觸目興思愍象教之輪
迴結天人之善果矢心喜捨爰出金貲敦工飾具掄材
伐石首事於嘉靖庚戌落成於明年辛亥殿宇門廡輪
奐一新法相莊嚴種種具備金碧交輝鐘魚互答荒寒
寂寞之濱轉而為華嚴兜率之境見者生敬聞者歸依
宛然一寓之鉅觀叢林之福會也是役也倡之者為楊
氏成之者為岳子岳子素善余言乃走幣下蔡請余記
云余曰方今之世崇儒而向道孔子之教如日中天人
人快觀章甫之流方欲黜象教而汰僧尼子願唯是之
圖與頽植圯如是哉岳子曰不然蒙俗任氣而健訟信
鬼而樂施濠館去縣益遠其習尤異董之以禮則迂束
之以刑則怨雖欲申之以詩書之訓恐亦難卒喻所以
然者顧唯浮圖事神而語大慈悲如如之相庶足以消
其悍戾之氣而輪迴果報之因又足以飲其利益之思
歹思之漸亦緣是而可入也且寺以壽聖為辭歲時祝

蓋亦足以開其尊君親上之心柳宗元所謂陰翊王度不以是乎余因嘉其言之婉而善喻遂筆之石以付寺僧了月庶其知作者之意以詔後之來者楊玉字君寶董志雄字子威岳子名俊字君秀衆人也抑亦檀越之宗歟法皆不可不書
大明嘉靖三十一年

勝嚴寺在城東曹市集唐貞觀十一年建元至正間重修

前有淑世山房為一鎮教學之地今燬 通志

太平寺在縣東南四十里西陽集元建今燬

覺觀寺在縣東二十五里龍山集宋大觀時建 明宿州知州劉鑿有

重修記大明國直隸鳳陽府仁義鄉地名龍山厥土肥沃居民環堵蓋富厚富庶之區也龍山之旁有禪刹焉肇於宋大觀間口口口口以其地幽雅夷廣迺創諸寮庵以爲安錫鉢建道場之所名曰覺觀維時遂有住持燈燈相續蓋亦有年迨於元季一燬兵燹而衣鉢竟失所傳國朝正統甲子中年有比丘飛錫至是覩其遺址

渦陽風土記卷四 古蹟 七

慨然興嘆於是量度方度經營規畫而寺規模復立自時厥後工益多費益浩幾三十年未底於成山門法宇之已植者又皆爲風雨飄搖而貼視弗稱時有僧定聰蚤年受戒遊方是鄉之檀越左福慧福慧修行善道歸心象教乃率領修寺相與謀曰昔人謂僧爲沙門者以沙爲息也息欲而掃於無爲也殊不知使世人奉教者皆無爲焉殆將終其身而無依歸之口其頂禮何道而欽崇何物哉遂具疏叩諸豪門而冀其助時好善之士率皆爭先恐後捐金帛以充材用出粟米以供餽饈陶甓煉堊獻謀效力共理厥事經始於成化四年八月申元吉旦建立大殿法堂伽藍祖師丈室外立山門廊廡旁設庖福齋寮煥然一新輪焉奐焉而又加以金碧丹雘裝塑如來諸天護法菩薩口口口口幢幡寶蓋及凡寺之所宜用無不周創置裝嚴之功視諸往昔實所未有也一日釋子定聰具其始末建置之由諠郡庠口以識諸石予口先儒口莫爲於前住持者之經始謀爲然而歷數百年滄桑變更非有今代比丘智悅增益潤大於後不几於口口口口柱石塵土乎此吾所有取於智悅也矧禪刹精藍福地見稱於傳記者益多觀夫漢明帝自馬之名梁武帝蕭寺之書與夫上方方丈口口

□□□之稱名義雖若不同而其為教要皆普渡羣迷
接引衆生使人明悟性而不淪欲海愛河之苦也今暫
新厥功恢弘舊址而甘自勞苦如此可謂盡奉教之心
也使時之好善者聞風而來吾知法教日益禪宗風日
益振而已成之業自是以與盤石泰山相爲鞏固歷
千萬年如□不動也因書以記於石俾□□者有所歆
羨而追慕焉大明成化二
十年歲次甲辰孟春吉日

四果寺在城北丹城集

通志云有唐褚遂良六稜碑今殘

存者約三尺餘每面廣今尺六寸字七行率漫漶無倫
次可識者約二百六十七字陶羅尼字凡八見菩薩世
尊字各兩見幢額高二尺廣狹稱正面上雙行大書佛頂
尊勝陀羅尼幢八字下四字點畫完好四書與幢頂字
丁旁勝字月旁可見餘隱約而已其七面正書與幢腹
畧似可識者有日那阿地耶毗日婆末多秣提鞞跋折
婆薩埵娑婆揭帝日他伽多揭多地瑟社伍莎婆訶三十
三字唐開元釋教錄尊勝陀羅尼經婆羅門僧佛陀波
利於高宗永淳二年携入中土朝散郎杜行覲奉制譯
出謂之初譯後譯者爲僧順貞授受經咒者爲僧日照

渦陽風土記卷四

古蹟

六

與志靜終高宗之世未嘗流布人間天后垂拱六年始
書寫經幢徧滿諸道大率刻咒者多兼刻經者少宿州
志唐褚遂良碑在州西南丹城舊縣古廟中石作六稜
面面有字明初居人以水沃之有貞觀年號有褚遂良
書等字筆法宛如所臨樂毅論云按唐書本傳褚遂良
於顯慶四年卒於愛州刺史貶所永淳二年去遂良死
已二十四年矣又七年而經幢始見其說之無稽也明
甚又按清代續通志亳州有南護國院石幢唐中和四
年僖宗八年改元李茂彰等記考唐書地理志貞觀八
年更誰郡爲亳州縣七永城蒙城皆來屬爾時丹城當
然隸亳惟南護國院尙不可知耳

龍山湖在縣東

朱郁湖在縣北

清游湖在縣西

蔡湖在縣南

白湖在縣西北

乾谿在縣西十里

春秋左傳昭公八年楚子伐吳次於乾谿杜預注乾谿在譙國城父縣南

楚東境寰宇記乾谿在城父縣南五里谿側有章華臺即楚虔會諸侯處也臺在亳境乾谿今起龍台寺北由龍鳳溝入章河達渦南

至張村鎮南入夏肥

溫泉在縣北石弓山麓

澄潭一泓泉上出如珍珠浮波面縣人謂為黃石溫泉

王家市鎮在阜陽北九十里金設

安徽通志案阜陽撥地入渦有王市集

鐵牛嶺在縣東南十里

潁州府志鐵牛嶺在蒙城西八里劉志稿鐵牛嶺在梁疇渦

水北岸沙礮陵坂素有鐵牛以鎮水勢或夜見牛蹊田食禾因推入河縣人所謂鐵牛峻嶺也按古岳瀆經禹治水三至桐柏山驚風迅雷石號木鳴禹怒召集百

靈搜命夔龍桐柏千君稽首請命禹命囚鴻蒙氏商韋氏兜氏盧氏黎婁氏乃獲淮渦水神名無支祁善應對

言語辨江淮之深淺原隰之遠近形若猿猴力踰九象

渦陽風土記卷四

古蹟

七

博擊騰踔條忽間視不可及乃投之庚辰頸鎖大索鼻

穿金鈴徒之淮陽之龜山足下俾淮水永安流注於海也梁書康絢傳魏降人王足陳計堰淮水以灌壽陽堰

將合輒復潰決或謂江淮多有蛟龍能乘風雨決壞崖岸其性惡鐵因是引東西二冶鐵器數千斤沈於堰堰

竟成昔李冰作鐵犀以治蜀江明于忠肅亦嘗鑄鐵犀鎮河水周興邦謂金為水母牛屬坤土故蛟龍咸畏云

蓋渦屢受黃水隄岸善崩因取五行家言鑄此以靖民

歟